

明清史料彙編八集前言

沈雲龍

明清史料彙編八集，包括下列史籍：

(一) 經略復國要編十四卷，附二卷，明宋應昌編撰。應昌，字思文，浙江仁和人。生嘉靖十五年（一五三六）丙申，中嘉靖四十四年（一五五六）乙丑二甲進士，卒萬曆三十四年（一六〇六）丙午，年七十一。萬曆二十年（一五九二）壬辰五月，日本寇朝鮮，陷王京，朝鮮王李昫奔義州，求救。應昌時巡撫山東，曾上選將、練兵、積粟三策，預防倭患，至是遂奉朝命，以兵部右侍郎經略備倭軍務。翌年，召還。是編即記其在經略任內及事後疏奏文移檄牘函札，旁及各部題奏，朝鮮謝咨排次載之，題曰復國要編者，以殫力彌年，朝鮮已失土地，舉尺寸還之故主，所謂復累朝恭順之屬國也。其戰功雖威震海東，而原書在明季已不甚顯，至清乾隆時，誤以復國二字，列爲禁書，傳本尤尠。民國十八年（一九二九）己巳南京益山精舍據所藏孤本影印，以繆鳳林氏所撰提要弁諸首，柳貽徵先生

復爲之跋，末附黃汝亨之宋氏「行狀」，其生平事蹟，俱大略可考矣！茲據益山精舍本影印。

(二)嘉靖東南平倭通錄，明徐學聚輯。學聚，字敬興，浙江蘭谿人，萬曆十一年（一五八三）癸未進士，官至副都御史巡撫福建，生卒不詳。按明與日本交綏，僅朝鮮一役，豐臣秀吉雖狡悍，未敢以兵擾亂吾華。嘉靖中所謂倭寇，自魯迄粵，海疆鼎沸，江浙受禍尤烈，剿撫兼施，累禩始定，而俞大猷、戚繼光等平倭名將，遂聲聞於世。實則真倭無幾，第由海盜蕭顯、王直、徐海等誘其駭販無賴，假幡幟以賊內地耳！而明政不綱，奸民嗜利，戎卒竄惰，防禦無具，胥足以爲致亂之階也。是書本徐氏所輯國朝典彙中之日本一篇。典彙載倭寇事，起洪武初，而茲本標題嘉靖平倭通錄，似在明季已摘鈔別行。民國二十一年（一九三二）壬申據益山精舍藏本影印，而錄典彙自洪武迄嘉靖事附於後，以昭其全，柳貽徵先生爲之跋。現依益山本影印。

(三)剿奴議撮，明于燕芳著。燕芳名駝，江蘇松江人。其生平行誼及生卒年月

均不詳。此書成於萬曆四十七年（一六一九）己未，楊鎬經略遼東大敗於清兵之後，故奴者，指清太祖努兒哈赤而言。而楊鎬之敗，爲明清興替一大關鍵，燕芳條舉復遼之策，並刊遼陽指掌圖於書首，名爲剿奴議撮，固士大夫之留心邊事者。附建州考，明陳繼儒著。繼儒字仲醇，號眉公，江蘇華亭人，生嘉靖三十七年（一五五八）戊午，卒崇禎十二年（一六三九）己卯，年八十二。是書從陳眉公全集中錄出，多醜詆滿俗，與議撮同爲清代禁書，見軍機處奏准全燬書目。茲據盩山精舍合刊本影印。

四甲申日記，明黃淳耀撰。淳耀，字蘊生，號陶菴，江蘇嘉定人，生萬曆三十三年（一六〇五）乙巳，舉崇禎十六年（一六四三）癸未進士，爲文一本六經，有志聖賢之學。翌年，清兵入關，據北京，旋即長驅下江南，南都亡，嘉定亦破，偕弟淵耀縉西城僧舍，時爲福王弘光元年（一六四五）丙戌，年四十一，諡忠節。是書爲就義前一年所記，起崇禎甲申正月迄三月。茲據民國十四年吳興劉氏留餘草堂刊本影印。

(五)復齋日記二卷，明許浩撰。浩，字復齋，浙江餘姚人。生卒不詳。弘治（一四八八——一五〇五）中，以貢生官桐城教諭。所記皆明初以來朝野雜事，而於正統（二四三六——二四四九）。景泰（一四五〇——一四五六）之間，攝政復辟之事，言之獨詳，足爲考訂之資。傳本極罕，原爲明人藍格鈔本。茲據民國五年丙辰孫毓修校印本影印。

(六)流賊張獻忠陷廬州記，明余瑞紫撰。瑞紫，字聖友，安徽合肥人。生卒行誼不詳。崇禎十五年（一六四二）壬午五月，張獻忠屠廬州，瑞紫陷賊中，轉徙數百里，歷半載餘，潛記所見聞，與明史及方志往往不同，而較可信。初爲清康熙間鄭達所輯手抄稿本，茲據民國十八年己巳合肥徐氏歸晚軒校印本影印。

(七)季明封爵表，民國毛乃庸撰。乃庸，字元徵，江蘇江都人，以季明南渡後三朝，阼促他偏，而制度典章，咸仍舊貫，爲羈縻豪傑恢復國土計，不惜封爵彌夥，王公侯伯諸名號，殆不可僂指數。乃庸因薈萃諸書所載，自弘光監國時起，諸異姓臣膺封爵及追贈者依年月列表，表成於民國十六年丁卯，可補明史之闕失。

，柳詒徵先生爲之跋，謂其甄錄既富，具有史家義法。茲據民國二十二年癸酉盍山精舍本影印。

(八)復社姓氏傳略，清吳山嘉撰。山嘉，字愚甫，江蘇震澤人，縣學生。其五世從祖饒，字扶九，邑諸生，弱冠負重名，於明崇禎二年（一六二九）己巳，與同志孫淳（孟樸）等創復社，取剝極而復之義，太倉張溥（天如）舉應社以合之。初爲文字講學之會，繼而四方賢豪畢集，聲勢傾朝野。與東林埒，爲當道所側目，幾欲盡殺復社之主盟者，又爲留都防亂揭，聲討阮大鍼，大鍼切齒而無可如何也。饒嘗手錄社中姓氏一冊，凡二千二百四十人，而事行未具，山嘉乃博考群書，羅其出處事跡，仿小傳例，成傳略十卷，共得一千二百有餘人，雖未及考者尙多，而闡揚前哲之意甚可尙也。茲據道光十一年（一八三）辛卯南陔堂藏版油印鈔本影印。

(九)袁督師（崇煥）遺集，民國張伯楨輯。崇煥，字元素，廣東東莞人，明萬曆四十七年（一六一九）己未進士，累官兵部主事，寧前兵備僉事。天啓六年（

一六二六）丙寅，清兵攻寧遠，崇煥激士死守，卒以解圍，擢右僉都御史，巡撫遼東。魏忠賢扼之，乞歸。崇禎元年（一六二八）戊辰，魏伏誅，始召崇煥，晉兵部尚書，督師薊遼，鎮寧遠。翌年冬，清兵越薊州而西，崇煥急引兵入護京師，言官高捷等因崇煥前通和議，誣其引敵脅和，下詔獄，實清太宗用間爲之也。三年（一六三〇）秋七月，磔於市，天下冤之。自崇煥死，邊事益壞。明卒以亡。民國二年癸丑，其同邑張伯楨（篁溪）搜集崇煥奏疏、雜文、詩計三卷，附錄一卷，印以行世，康有爲爲之序其端。茲據張氏所刻滄海叢書本影印。

（張文烈（家玉）公遺集，民國張伯楨輯。家玉，字元子，廣東東莞人。自崇禎十六年（一六四三）癸未進士，改庶吉士。唐王聿鍵召授編修兼吏戶兵三科給事中，奉使入廣，未復命，聞陷家居。桂王由榔以左中允召，道阻未赴。永曆元年（一六四七）丁亥，李成棟陷廣州，家玉毀家結義兵，據東莞以抗，與陳子壯相應，兵敗，投水死。年三十三，諡文烈。民國三年，張伯楨輯編家玉奏疏、諭帖、書牘、詩文六卷，附錄一卷，付諸剞劂，茲據滄海叢書本影印。

(一)寒木居詩鈔，明張家珍著。家珍，字璩子，年十七，與其兄家玉起兵抗清，率所部千人爲奇兵，轉鬪數勝。家玉殉國，以兄蔭拜錦衣使。廣州再破，家居奉養，始折節讀書，通賓游，援筆爲詩歌，畫蘭竹，皆伉爽有致，名遂以詩顯。其寒木居詩鈔印行於康熙四年（一六六五）乙巳，流傳不廣。民國三年甲寅，張伯楨重加排印。茲據滄海叢書本影印。

(二)明儒周源溪、少溪、元度三先生殘詩合刻，民國袁承業輯。承業，字伯勤，江蘇東臺人。所輯同里明末遺民三周先生殘詩，作者生平大略可考者：源溪，名瑞，字大祥，著有餐蔗堂詩。子少溪，名士弘，字正夫，著有志學堂詩。孫元度，名莊，號蝶園，著有蝶園草、桴窩草等，三世俱以詩名。茲據民國元年袁氏編輯排印本影印。

(三)歸玄恭（莊）遺集，清太倉季錫疇原輯。玄恭，名莊，號恆軒，江蘇崑山人，明諸生。生萬曆四十一年（一六一三）癸丑，歿康熙十二年（一六七三）癸丑。工文詞書畫。國變後，野服終生，與同邑顧炎武善，有歸奇顧怪之目。晚年

寄食僧舍，非素交，雖厚弗納，年六十一歿。道光十七年丁酉，季錫疇梓印其詩文行世。民國十二年壬戌，同邑徐崇恩重加增補，計文七十九篇，詩二百二十七首。茲據徐氏排印本影印。

(四)明季東莞五忠傳，署名九龍眞逸著，不知爲何許人。五忠者：袁襄愍崇煥、陳忠愍策、蘇閣部觀生、張文烈家玉、陳侍郎象明是也。五公俱東莞人，明史皆有傳，而皆失其實，殆由於實錄之未盡觀，與夫家乘之未搜羅，不得已摭拾野史，附會成章，而當時野史又未盡出，其紕謬舛僞，末由考覈，亦無可如何之事。作者於民國十一年壬戌纂修東莞縣志，乃徵取五公家傳狀誌，爲之重輯，以訂正明史之誤，並詳爲之注疏證明，旨在表彰忠烈，歸於信史耳。茲據東莞養和書局排印本影印。

(五)華亭莫葭士先生遺稿，計榜秋菴文集四卷，采隱草詩集二卷，明莫秉清著。秉清，字紫仙，號葭士。年十三、四，卽嗜古文辭，二十外始補博士弟子員，隨邁鼎革，卽定焚書入山之志。以吟咏自遣，所著文章，弗顧忌諱，終清代二百

六十餘年，子孫藏其稿，不輕以示人。清社既屋，其七世孫錫綸（子經），始付剞劂，茲據民國二十年辛未排印本影印。

（因）三不朽圖贊，明張岱撰。岱，字宗子，一字陶菴，浙江山陰人，縣學生。明亡，避亂剡谿山，葛巾野服，意緒淒涼，憫越中先達之湮沒，道德儀容不可見於後世，乃登諸賢裔之門，求其遺像，漸積成書，分立德、立功、立言三門，列理學、忠烈、忠節、忠諫、孝烈、義烈、節烈、清介、剛正、盛德、隱遁、生孝、勳業、相業、功業、文學、博學、畫學等子目凡十八，共得一百零八人。未及刻成而岱歿，因循輾轉，歷五十餘年，其外孫陳仲謀乃藏其事。蓋明社既屋，士夫群馳逐風雲，頰首受祿，而越獨多氣節之士爲可稱也。此書甚少傳世，而版本屢易，迄民國七年戊午，王世裕始以銅版鈎摹圖像，形式不爽累黍，並參諸李繩客（慈銘）手校本及平景蓀（步青）群書輯識詳校之，而請蔡子民（元培）爲之序。茲據民國十二年癸亥排印本影印。

（因）澗上草堂記略，清吳江徐達源（山民）原輯，書成於嘉慶十四年（一八〇

九) 己巳，吳縣毛慶善(叔美)復於道光二十四年(一八四四)甲辰續輯。按澗上草堂爲明末遺逸徐侯齋(枋)先生所居，其地在吳縣上沙村，先生歿後，易爲祠祀。嘉慶初，達源爲之修葺，以先生遺像及手書乞當代名賢題詠勒石，以表彰之，並錄先生本傳及祠地契券當官禁約等俱付剞劂。民國二十五年丙子，上虞羅振玉(叔蘊)因徐、毛兩編紛亂無條理，乃重加編定，以徐氏所輯事蹟及修祠之事爲上卷，諸家題詠爲下卷，毛氏所輯爲續編。茲據原刊石印本影印。

(八) 莊氏史案考，民國周延年著。按莊廷鑑明史案，爲清康熙初一大文字冤獄，株連極衆，死者凡七十餘人，婦女並給邊，惟遺聞湮沒已久，且記載散見各書，詳略異辭，采錄不易。民國二十一年壬申，著者客吳興劉氏嘉業書樓，埋首故籍，詳爲考訂，去其不可信者，排比成篇，而史案始末可以概見矣！茲據原刊本影印。

(四) 明末四百家遺民詩十六卷，清卓爾堪(子任)選輯，宋肇(牧仲)爲之序。所搜集遺民詩，自顯仕以及布衣，得詩卽梓，故無先後銓次，其間有選至百數

十首者，有僅得數首者。有關作者出處爵里，則採諸詩序傳誌，做品彙式，列於目錄，以便查考。末附卓氏近青室詩。茲據上海有正書局石印本影印。

（ㄅ）明鼎甲徵信錄四卷，（ㄆ）國朝鼎甲信錄四卷，清昌樂閻湘蕙（香亭）編輯，壽光張椿齡（壽山）增訂。起明洪武四年（一三七一）辛亥，迄清同治二年（一八六三）癸亥，凡歷代科名登諸鼎甲者，大抵歸諸因果積善之報，或本之國史，或采之志乘，載其官閥，詳其家世，彙爲成書，而其事不見諸冊籍者，概從簡略。茲據同治三年甲子念劬山房原刊本景印。

明清史料彙刊第八集目錄

第一冊

經略復國要編

上

宋應昌撰

第二冊

經略復國要編

中

宋應昌撰

第三冊

經略復國要編

下

宋應昌撰

第四冊

嘉靖東南平倭通錄

徐學聚輯

剿奴議撮(附建州考)

于燕芳撰

甲申日記

黃淳耀著

復齋日記.....許浩著

流賊張獻忠陷廬州記.....余瑞紫撰

季明封爵表.....毛乃庸撰

第五冊

復社姓氏傳略.....吳山嘉錄

第六冊

袁督師（崇煥）遺集.....張伯楨輯

張文烈（家玉）公遺集.....張家珍著
張伯楨輯

寒木居詩鈔.....張伯楨輯

明儒周源溪、少溪、元度三先生殘詩合刻.....袁承業編

第七冊

歸玄恭（莊）遺著.....季錫疇原輯

東莞五忠傳.....九龍真逸著

第八冊

華亭莫葭士先生遺稿……………莫秉清著

一、傍秋菴文集

二、采隱草詩集

第九冊

三不朽圖贊……………張岱著

澗上草堂紀略……………羅振玉重訂

莊氏史案考……………周延年著

第十冊

明末四百家遺民詩 一……………卓爾堪選輯

第十一冊

明末四百家遺民詩 二……………卓爾堪選輯

第十二冊

明末四百家遺民詩 三……………卓爾堪選輯

第十三冊

明末四百家遺民詩 四……………卓爾堪選輯

第十四冊

明鼎甲徵信錄……………閻湘蕙編輯

第十五冊

國朝鼎甲徵信錄……………張椿齡增訂

經畧復國要編提要

富陽繆鳳林

經畧復國要編十四卷附二卷明宋應昌編撰應昌字
思文別號桐崗其先會稽郡人後徙仁和生嘉靖十五
年丙申十月嘉靖四十四年乙丑第二甲進士卒萬曆
三十四年丙午二月年七十一未為經畧前官至大理
寺卿事蹟詳黃汝亨所撰行狀寓林集卷十七萬曆一十年五
月日本寇朝鮮陷王京朝鮮王李昖奔義州求救七月
副總兵祖承訓率師與倭戰于平壤敗績中朝震動八
月以應昌為兵部右侍郎經畧備倭軍務二十一年十
二月應昌還朝改顧養謙經畧是編即紀其在經畧任
內及事後疏奏文移檄牘函札旁及各部題奏朝鮮謝

次排次載之題曰復國要編者以殫力彌年朝鮮已失
 土地舉尺寸還之故主臨淮二書李所謂復累朝恭順
 之屬國也壤開七城敘恢復平首列神宗敕諭及華夷沿海
 圖序沿海四鎮朝鮮圖及圖說圖與圖說即二十二年
 三月進呈底稿卷十恭進序則述任事之終始與繪
 圖為說之本末也次附朝鮮乞援疏及部垣臺諫條議
 疏畧畧可考見朝鮮危急及廷臣論議之狀次正文十
 四卷所載疏奏移檄等題目下附記月日卷一至卷七
 自二十年九月訖二十一年三月每卷一月卷八至卷
 十二自二十一年四月至閏十一月除卷十為一月外
 餘皆二月卷十三自十二月至二十二年三月卷十四